

**STATUT
I SHOQËRISË ME PËRGJEGJESI TË KUFIZUAR
“(Go Get)” SHPK**

PRONËSIA, OBJEKTI I VEPRIMTARISË, SELIA

Neni 1

Ortaku i Vetëm

- 1.1 Shoqëria “(Go get)” SHPK (“Shoqëria”) është krijuar më datën si në vijim nga Ortaku i Vetëm si më poshtë:

Albi Hoxha, shtetas shqiptare, lindur më 01.09.1989, në Tirane, mbajtës i pasaportës biometrike me nr. BJ3507041 dhe nr personal I90901011Q, madhor dhe me zotësi të plotë për të vepruar (më poshtë referuar si “**Ortaku i Vetëm**”).

Neni 2

Emri

- 2.1 Emri i Shoqërisë është **“(Go Get)” SHPK.**

- 2.2 Në të gjithë dokumentat, faturat, reklamat dhe publikimet e lëshuara nga Shoqëria, pavarësisht mjeteve të përdorura për trasmetim, emri i Shoqërisë do të përbëhet nga këto elementë:

- i. fjalët “*Shoqëri me përgjegjësi të kufizuar*” ose “*SHPK*”;
- ii. numri unik i identifikimit (NUIS);
- iii. kapitali i regjistruar dhe i paguar i Shoqërisë;
- iv. adresa e selisë; dhe
- v. njoftimi që shoqëria është në proces likuidimi, nëse është e aplikueshme

Neni 3

Forma ligjore

- 3.1 Shoqëria do të ketë formën e një Shoqërie me Përgjegjësi të Kufizuar, në përputhje me legislacionin tregtar në fuqi në Republikën e Shqipërisë.
- 3.2 Shoqëria mund të ndryshojë formën e saj ligjore në përputhje me parashikimet e ligjit shqiptar.

Neni 4

Baza ligjore

- 4.1 Shoqëria zhvillon veprimtarinë e saj në përputhje me këtë Statut, Ligjin Nr. 9901 datë 14.04.2008 “Për Tregtarët dhe Shoqëritë Tregtare” i ndryshuar (“**Ligji për Shoqëritë Tregtare**”) si dhe parashikime të tjera të zbatueshme të legjislacionit shqiptar.

Neni 5
Kohëzgjatja e veprimitarisë

- 5.1 Kohëzgjatja e veprimitarisë së Shoqërisë është e pakufizuar.

Neni 6
Selia / Adresa e regjistruar e Shoqërisë

- 6.1 Selia e Shoqërisë është në adresën: Rruga **Zenel Bastari Nd 18,1017 TIRANE**.
- 6.2 Shoqeria gezon te drejtën që në përputhje me legjislacionin e aplikueshëm Administratori të mund të hap ose te mbyllë adresë sekondare të Shoqërisë në territorin e Republikës së Shqipërise.

Neni 7
Objekti

- 7.1 Objekti i veprimitarisë së Shoqërisë është:

Dhenia me qera e automjeteve, Import i makinave te perdonura, shitje e pjesve te kembimit dhe çdo aktivitet tjeter të konsideruar të nevojshëm dhe përshtatshëm në mbështetje të aktiviteve të mësipërme

- 7.2 Objekti i Shoqërisë mund të ndryshohet ose modifikohet vetëm me vendim të Ortakut të Vetëm.

Neni 8
Kapitali

- 8.1 Kapitali fillestari i Shoqërisë në datën e hartimit të këtij statuti zoterasi i 1(kuote) me vlerë te pergjithshme 100.000 leke i cili perben 100% te kapitalit themeltar te shoqerise
- 8.2 Ortaku i Vetëm zoteron 100% të kapitalit.

Neni 9
Transferimi i kapitalit/Kufizimet për transferimin

- 9.1 Ortaku i Vetëm është zotëruesi i vetëm i të gjitha kuotave të kapitalit të regjistruar të Shoqërisë.
- 9.2 Kuotat e kapitalit të regjistruar mund të transferohen, tërësisht apo pjesërisht, tek palë të treta

vetëm përmes një akti të shkruar.

- 9.3 Kuotat e kapitalit të regjistruar transferohen me trashëgimi pa ndonjë akt të veçantë.

Neni 10
Zmadhimi i Kapitalit

- 10.1 Ortaku i Vetëm mund të zmadhojë kontributin e tij në kapitalin e regjistruar.
- 10.2 Zmadhimi i kapitalit mund të kryhet gjithashtu me nënshkrimin dhe shlyerjen e kuotave të reja nga ortakë të rinj. Ortakët e rinj do të pranohen dhe miratohen si të tillë me vendim të Ortakut të Vetëm.

Neni 11
Zvogëlimi i kapitalit

- 11.1 Në bazë të vendimit të Ortakut të Vetëm, zvogëlimi i kapitalit të regjistruar do të kryhet në përputhje me procedurat e parashikuara nga legjislacioni tregtar.

STRUKTURA DREJTUESE

Neni 12
Vendimet e Ortakut të Vetëm

- 12.1 Vendimet kryesore në lidhje me veprimtarinë e Shoqërisë merren me vendim të Ortakut të Vetëm, i cili është organi më i lartë i Shoqërisë dhe që gjëzon të drejtën të miratojë vendime në lidhje me të gjitha çështjet e veprimtarisë së saj. Vendimet e Ortakut të Vetëm duhet të regjistrohen në një regjistër vendimesh, të dhënat e të cilit nuk mund të ndryshohen apo fshihen. Për aq kohë sa ekziston vetëm një Ortak i Vetëm në Shoqëri vendimet e Ortakut të Vetëm do të merren në formën e një dokumenti të vetëm të shkruar pa nevojën për thërritjen e një mbledhje formale.
- 12.2 Të drejtat dhe detyrimet e Ortakut të Vetëm të Shoqërisë ushtrohen në mënyrë të drejtëpërdrejtë nga vetë perfaqsuesi i ortakut te vetem ose një përfaqshues i tij me prokurë.
- 12.3 Vetëm Ortaku i Vetëm ka të drejtë të vendlodë për çështjet si më poshtë:
- përcaktimin e politikave tregtare të shoqërisë;
 - ndryshimet e statutit;
 - emërimin e shkarkimin e administratorit;
 - emërimin e shkarkimin e likuiduesve dhe të ekspertëve kontabël të autorizuar;
 - përcaktimin e shpërbërimeve për personat e përmendor në shkronjat "c" dhe "ç" të kësaj pike;
 - mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
 - miratimin e pasqyrave financiare vjetore dhe të raporteve të ecurisë së veprimtarisë;
 - zmadhimin dhe zvogëlimin e kapitalit;

- i. pjesëtimin e kuotave dhe anulimin e tyre;
- j. përfaqësimin e shoqërisë në gjykatë dhe në procedimet e tjera ndaj administratorëve;
- k. riorganizimin dhe prishjen e shoqërisë;
- l. miratimin e rregullave procedurale të mbledhjeve të asamblesë;

Neni 13
Administratori

- 13.1 Administrimi i përditshëm i Shoqërisë do të bëhet nga 1 (një) ose më shumë Administratorë të caktuar dhe emëruar nga Ortaku i Vetëm.
- 13.2 Administratori ka kompetenca të plota për administrimin e zakonshëm dhe të përditshëm të Shoqërisë dhe të drejtën për miratimin e të gjitha vendimeve që mund t'i duken të përshtatshme për të realizuar dhe ushtruar objektin e Shoqërisë, me përjashtim të veprimeve që sipas ligjit, këtij Statuti apo vendimeve të Ortakut të Vetëm, të miratuara herë pas here, i takojnë Ortakut të Vetëm. Me anë të një prokure administratori mund të delegojë një ose më shumë nga të drejtat e tij në lidhje me menaxhimin dhe përfaqësimin e Shoqërisë tek palë të treta, me pëlqimin me shkrim të ortakut të vetëm.

Në veçanti, Administratori, i autorizuar në cdo rast nga Ortaku i Vetëm, ka të drejtat dhe detyrimet në vijim në lidhje me administrimin e Shoqërisë:

- a. drejtimin e veprimitarisë së përditshme të Shoqërisë, në përputhje me vendimet dhe udhëzimet e Ortakut të Vetëm, sipas rastit, të marra herë pas here;
- b. paraqitjen përpëra Ortakut të Vetëm çdo muaj një raport që përfshin të gjitha faktet dhe rrëthanat që mund të jenë të rëndësishme, rezultatet financiare të periudhës përkatëse, si dhe parashikimin përmesin e Shoqërisë;
- c. të kryejë veprimet e nevojshme për të vënë në ekzekutim vullnetin e Ortakut të vetëm vendos per krijimin e degëve filialeve te Shoqërisë në Shqipëri, blerjen dhe/ose disponimin e pjesëmarrjeve ne shoqëri te tjera në Shqipëri dhe jashtë; përfaqësimin e Shoqërisë kundrejt palëve të treta dhe kundrejt enteve publike;
- d. hapjen e llogarive të Shoqërisë në bankë;
- e. lidhjen e marrëveshjeve me palët e treta;
- f. lëshimin e faturave dhe shlyerjen e pagesave të Shoqërisë dhe pranimin e letrave me vlerë nga palët e treta;
- g. punësimin dhe largimin nga puna të stafit të Shoqërisë dhe caktimin e pagave dhe rrogave të tyre apo shpërblimeve të tjera në përputhje me politikat dhe udhëzimet e miratuara nga Ortaku i Vetëm sipas rastit, herë pas here;
- h. marrja e të gjitha masave të reja për të garantuar vazhdimesinë e veprimitarisë ditore të Shoqërisë nga pikëpamja ligjore dhe sipas këtij Statutit;
- i. mbajtja e librave të llogarive, siç pëershruhet nga ligji dhe parimet e kontabilitetit;
- j. përgatitja e pasqyrave financiare vjetore të Shoqërisë dhe auditimi i tyre nga auditorët e jashtëm nëse kërkohet nga ligji ose me vendim të Ortakut të Vetëm;

- 13.3 Administratori do të kryejë detyrën e tij për një periudhë 5 (pesë) vjeçare, mandati i tij është i rinovueshëm, përveç rastit kur zëvendësohet sipas këtij Statuti. Në kryerjen e detyrës së tij, Administratori do të tregojë kujdesin e duhur të një personi të besueshëm dhe të ndërgjegjshëm të biznesit dhe do të respektojë fshehtësinë në lidhje me çështjet konfidenciale.
- 13.4 Administratori do të përfaqësojë Shoqërinë në veprimtarinë dhe administrimin e përditshëm dhe mban përgjegjësi për cështjet që janë të varësi të tij, përvèc rasteve kur parashikohet ndryshe në këtë Statut.
- 13.5 Administratori i parë i Shoqërisë është Z. **Redi Hoxha**, shtetas SHQIPTAR, lindur më 17.06.1987, në Tirane, mbajtës i pasaportës biometrike me Nr. BE6560488 dhe numer personal I70617065Q.

Neni 14

Detyrimi i Besnikërisë dhe Përgjegjësia

- 14.1 Në vazhdim të detyrimeve të përcaktuara në Nenet 13, 14, 15, 17 dhe 18 të Ligjit të Shoqërive Tregtare, Administratori/ët duhet të:
- të zbatojnë detyrimet e përcaktuara në Ligjin për Shoqëritë Tregtare dhe në këtë Statut me mirëbesim dhe në interesin e Shoqërisë në tërsi duke i kushtuar vëmendje të veçantë impaktit që ka aktiviteti i shoqërisë në mjesht;
 - të ushtrojë detyrën e tij në përputhje me të drejtat që i jepen nga Ligji për Shoqëritë Tregtare dhe ky Statut vetëm për qëllimet e përcaktuara këtu;
 - t'i kushtoje vëmendjen e duhur çështjeve për të cilat duhet të marrë vendim;
 - të shmangë çdo konflikt aktual dhe të mundshëm ndërmjet interesave të tij personale dhe atyre të Shoqërisë;
 - të ushtrojë funksionet e tij me kujdesin dhe vëmendjen e duhur;
 - të vë në dispozicion të Ortakut të Vetëm çdo të dhënë të lidhur me biznesin, të këruar nga Ortaku i Vetëm, brenda një kohe të arsyeshme dhe jo më vonë se 7 (shtatë) ditë. Informacioni dhe të dhënat duhet të jenë të përditësuara.

Neni 15

Eksperti/ët Kontabël i/të Miratuar

- 15.1 Eksperti/ët Kontabël i /të miratuar do të caktohen me vendim të Ortakut të Vetëm nëse është e nevojshme. Mandati i audituesit, nëse caktohet një i tillë, duhet të rinovohet çdo vit.

Neni 16

Viti Financiar

- 16.1 Viti financiar i Shoqërisë përpunhet me vitin kalendarik, që fillon më 1 Janar dhe mbaron më 31 Dhjetor të secilit vit.

Neni 17
Bilanci. Kontabiliteti

- 17.1 Bilanci i Shoqërisë shqyrtohet nga Ortaku i Vetëm dhe duhet të përgatitet dhe t'i paraqitet organeve tativore përpara fundit të Marsit të vitit pasues.
- 17.2 Librat kontabël duhet të mbahen në gjuhën Shqipe dhe vlerat përcaktohen në monedhën vendase (Lekë). Shoqëria mund të mbajë llogari të ndara në monedhë të huaj, dhe këto shuma do të konvertohen çdo muaj në monedhën vendase.
- 17.3 Shoqëria mund të marrë financime nga institucionet financiare që operojnë në Shqipëri ose jashtë saj. Për këtë qëllim, Shoqëria mund të vendosë si garanci kuotat e saj, ose mund të vendosë të hipotekojë pasuritë e saj të paluajtshme, me vendim të Ortakut të Vetëm.

Neni 18
Likuidimi

- 18.1 Ortaku i Vetëm mund të vendosë prishjen e Shoqërisë.
- 18.2 Me vendim të Ortakut të Vetëm do të emërohet një likuidues ose një grup likuiduesish, të cilët do të merren me procedurat e likuidimit.
- 18.3 Likuiduesi/Likuiduesit do të përgatisin raportin e likuidimit, i cili përmban gjendjen e përgjithshme të Shoqërisë, hapat e likuidimit dhe kohën e nevojshme për kryerjen e këtij likuidimi. Në fund të këtij procesi, Ortaku i Vetëm do të shqyrtojë bilancin përfundimtar dhe do të miratojë mylljen e procedurës së likuidimit.

Neni 19
Ndryshimet në Statut

- 19.1 Dispozitat e këtij Statuti mund të modifikohen nga Ortaku i Vetëm në përputhje me parashikimet e Ligjit për Shoqëritë Tregtare.

Neni 20
Dispozita Përfundimtare

- 20.1 Ky Statut përgatitet në 2 (dy) kopje origjinale në gjuhën Shqipe.

Nënshkruar më **11 PRILL 2024** nga:

ORTAKU I VETËM

ALBI HOXHA

Albi Hoxha
